



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

TSHIVENDA LUAMBO LWA HAYANI (HL)

BAMMBIRI LA VHURARU (P3)

2022

TSUMBANDILA YA U MAKA

MARAGA: 100

Tsumbandila iyi ya u maka i na masiatari a 13.

MAFHUNGO THANGELI O LIVHISWAHO KHA MUTOLI/MUMAKI

Musi vha tshi tola/maka mushumo wa mulingiwa, zwi tevhelaho ndi zwiwe zwa zwine zwa tea u dzhielwa nzhele musu vha tshi shumisa rubriki:

- Ndeme ya vhupulani, mvetamveto, u vhalulula na u dzudzanya zwo bveledzwaho kha tshibveledzwa tsha u fhedzisela tsho nekedzwaho.
- U dzhiela nzhele u n'wala hu re na ndivho, vha t'angedzaho mafhungo na nyimele hu tshi katelwa na redzhistara, tshitaila na thouni – nga maanda ho sedzeswa KHETHEKANYO YA B.
- Girama, mupeleto na zwiga zwa u vhala.
- Zwivhumbeo zwa luambo, hu tshi katelwa na luambo lwa vhudzivha/kuambebe.
- Munanguludzo wa maipfi na luambo lwa maambebe (mirero na maambebe).
- Kufhatelwe kwa mafhungo.
- Kuvhekanyelwe na kufhatelwe kwa dziphara.
- Kuthathuvhelwe kwa thoho sa zwo taniwaho nga zwi re ngomu/zwo faredzwaho: mvulatswinga, kubveledzelwe kwa mihumbulo na magumo.

MAHUMBULWA MALUGANA NA KUMAKELE/KUTOLELE**KHETHEKANYO YA A: MAANEA**

Kha vha sedze KHETHEKENYO YA A: Rubriki ya u Tola/Maka Maanea i wanalaho kha masiatari a 11–12.

KHRITHERIA DZI SHUMISWAHO KHA U TOLA/MAKA	
KHRITHERIA	MARAGA
ZWI RE NGOMU NA VHUPULANI	30
LUAMBO, TSHITAILA NA U DZUDZANYA	15
TSHIVHUMBEO	5
THANGANYELO	50

1. Kha vha vhale maanea othe vha kone u livhanya na/nanguludza khathegori yo teaho mafhungo aya zwi tshi kwama ZWI RE NGOMU NA VHUPULANI.
2. Kha vha dovhe hafhu u vhala maanea vha nanguludze/livhanye hafhu na khathegori yo teaho mafhungo ayo zwi tshi kwama LUAMBO, TSHITAILA NA U DZUDZANYA.
3. Kha vha dovhe hafhu u vhala maanea vha koneha u nanguludza/livhanya na mafhungo ayo zwi tshi kwama TSHIVHUMBEO.

KHETHEKANYO YA B: ZWIBVELEDZWA ZWA VHUDAVHIDZANI

Kha vha sedze **KHETHEKANYO YA B: Rubriki ya u Tola/Maka Zwibveledzwa zwa Vhudavhidzani** i re kha siatari la 13.

KHRITHERIA DZI SHUMISWAHO KHA U TOLA /MAKA	
KHRITHERIA	MARAGA
ZWI RE NGOMU, VHUPULANI NA TSHIVHUMBEO	15
LUAMBO, TSHITAILA NA U DZUDZANYA	10
THANGANYELO	25

1. Kha vha vhale tshibveledzwa tshothe vha kone u livhanya na/nanguludza khathegori yo teaho mafhungo ayo zwi tshi kwama ZWI RE NGOMU, VHUPULANI NA TSHIVHUMBEO.
2. Kha vha dovhe hafhu u vhalala tshibveledzwa vha nanguludze/livhanye hafhu na khathegori yo teaho mafhungo ayo zwi tshi kwama LUAMBO, TSHITAILA NA U DZUDZANYA.

KHA VHA PFESESE:

- Zwivhumbeo zwo fhambanaho zwa zwibveledzwa zwa vhudavhidzani zwi funzwa zwo livhiswa kha maitele a zwino a u linga.
- Izwi zwi tea u dzhielwa ntha musu hu tshi tolwa tshivhumbeo.
- Kha vha nee maraga kha tshivhumbeo tsho teaho/tshone.
- Kha vha sedzese kuvhekanyelwe/kukumedzelwe kwone kwo teaho musu hu tshi nwalwa tshibveledzwa tshinwe na tshinwe.

KHETHEKANYO YA A: ZWIBVELEDZWA ZWA VHUSIKI (MAANE)**MBUDZISO YA 1****ADENDAMU**

- Mbuno dzo newaho fhasi ha thoho inwe na inwe kha iyi adendamu dzi thuse fhedzi sa tsumbandila/gaidi kha vhamaki/vhatoli.
- Hu tea u newa tshikhala/thendelo ya u dzhiela nthanda ndila ine mulingiwa a thathuvhisa zwone/ngayo thoho, naho zwi tshi nga vha zwo fhambani na izwo zwo newaho kha idzo mbuno kana na mihumbulo/kuvhonele kwa vhone mutoli/mumaki.

1.1 U tambudzwa hanga zwo todou ita uri ndi shavhe tshikolo.

Tsumbo ya zwine mulingiwa a nga dadamala khazwo musu a tshi n'wala maanea awe:

- A nga n'wala nga ha zwe a tangana nazwo musu e tshikoloni.
Tsumbo: U rwiwa, u senwa, u sewa, u kolelwa, u tambudzwa, nz
- U bvisela khagala u kondolela have na u sa lala fulufhelo u swika a tshi thaphudza pfunzo dzawe.
- Kha maanea aya mulingiwa u tea u n'wala nga ndila ya u tou anetshela/u vhuisa mihumbulo/u buletshedza, nz.
- Maanea awe kha vhe na mathomo, mutumbu na magumo zwi fushaho.
- Fhedzi arali mulingiwa a n'wala lushaka lwa maanea ane ra pfa a tshi fusha thoho ye a newa, ha newi ndatiso.

[50]**1.2 Vhubindudzi, thandululo makone ya u takula ikonomi kha lino.**

Tsumbo ya zwine mulingiwa a nga dadamala khazwo musu a tshi n'wala maanea awe:

- Mulingiwa a nga n'wala a tshi talutshedza/anetshela/vhuisa mihumbulo nga ha zwivhuya zwine zwa diswa nga vhubindudzi.
- Mulingiwa a nga buletshedza vhubindudzi ho fhambanaho
- Mulingiwa a nga dovha hafhu a n'wala a tshi tsivhudza nga ha ndeme ya nyaluwo ya ikonomi.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n'wala nga lushaka luwe na luwe lwa maanea a livhanaho na iyi thoho, u tea u avhelwa maraga dzi yelanaho na zwe a n'wala.

[50]

1.3 Vhurereli ndi thikho ya mikhwa na mvelele yashu. Tātani.

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa a nga n̄wala nga zwithu zwavhudi/zwi si zwavhudi nga ha vhurereli zwi tshi kwama mvelele yashu.
- U tea u sumbedza mikhwa yavhudi ya vhurereli/vhuvhi vhune ha diswa nga vhurereli kha mvelele yashu, tenda a nanga sia lithihi a imelela lone nga mbuno dzi pfalaho.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea a livhanaho na iyi thoho, u tea u avhelwa maraga dzi yelanaho na zwe a n̄wala.

[50]

1.4 Ndi tshi fhira afho fhethu maṭo anga a nzwuruma malofha.

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u n̄wala a tshi talutshedza/anetshela/vhuisa mihumbulo nga ha zwo iteaho afho fhethu.
- Mulingiwa a nga dovha hafhu a sumbedza zwithu zwi si zwavhudi zwe zwa bvelela khae/kha shaka lawe.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea a livhanaho na iyi thoho, u tea u avhelwa maraga dzi yelanaho na zwe a n̄wala.

[50]

1.5 Zwileludzi zwa vhudavhidzani, zwiṭuṭuwedzi zwa dzikhakhathi.

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u thoma nga u talutshedza/tandavhudza thoho iyi.
- Mulingiwa a nga n̄wala a tshi sumbedza zwivhuya na zwivhi zwi vhangwaho nga zwishumiswa zwa vhudavhidzani.
- Kha sumbedze ndila dzine dza nga khwaṭhisedza masia othe vhuvhili hao.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea a livhanaho na iyi thoho, u tea u avhelwa maraga dzi yelanaho na zwe a n̄wala.

[50]

1.6 Hune ha vha na bono hu na mitshelo mivhuya.

Tsumbo ya zwine mulingiwa a nga dadamala khazwo musi a tshi n̄wala maanea awe:

- Mulingiwa u tea u thoma nga u talutshedza thoho iyi. A nga talutshedza nga ha ndeme ya u vha na bono vhutshiloni.
- Kha sumbedze uri u pika na u shuma nga ndila ya vhuṭali na u kondelela zwi bveledza bono lavhudi/mitshelo mivhuya.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luṅwe na luṅwe lwa maanea a livhanaho na iyi thoho, u tea u avhelwa maraga dzi yelanaho na zwe a n̄wala.

[50]

1.7 KHA VHA PFESESE: Hu tea u vha na vhuṭumani vhukati ha maanea na tshifanyiso tsho nangwaho.

1.7.1 Tshifanyiso

Tsumbo ya zwine mulingiwa a nga dadamala khazwo musi a tshi n̄wala maanea awe:

- Mulingiwa u tea u nea thoho yo teaho ya maanea awe.
Tsumbo: **U takalela mupo na tsiko ya Mudzimu.**
- U ya nga ha itshi tshifanyiso, mulingiwa a nga anetshela/buletshedza/vhuisa muhumbulo nga ha ndeme ya mupo na tsiko, nz.
- Kha sumbedze zwivhuya zwa mupo na tsiko.
- A nga dovha hafhu a sumbedza uri lushaka lu nga tsireledza hani mupo na tsiko ya Mudzimu.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luṅwe na luṅwe lwa maanea a livhanaho na itshi tshifanyiso, u tea u avhelwa maraga dzi yelanaho na zwe a n̄wala.

[50]

1.7.2 Tshifanyiso

Tsumbo ya zwine mulingiwa a nga dadamala khazwo musu a tshi n̄wala maanea awe:

- Mulingiwa u tea u n̄ea t̄ho ho yo tea ho ya maanea awe.
Tsumbo: **Mitshelo na miroho zwi fhata mivhili.**
- Mulingiwa u tea u t̄ana uri mitshelo na miroho ndi zwone zwiliwa zwi re na pfushi zwo lugelaho muvhili.
- Mulingiwa u tea u t̄utuwedzela vhathu kha u l̄esa mitshelo na miroho.
- Maanea awe kha vhe na mathomo, mutumbu na magumo zwi fushaho.
- Arali mulingiwa a n̄wala nga lushaka luñwe na luñwe lwa maanea a livhanaho na itshi tshifanyiso, u tea u avhelwa maraga dzi yelanaho na zwe a n̄wala.

[50]

T̄HANGANYELO YA KHETHEKANYO YA A:

50

KHETHEKANYO YA B: ZWIBVELEDZWA ZWA VHUDAVHIDZANI**MBUDZISO YA 2****ADENDAMU**

Vhalingiwa vha lavhelelwa u fhindula mbudziso MBILI kha dzo nekedzwaho. Vhulapfu ha phindulo vhu vhe maipfi a u bva kha a 180 u swika kha a 200 ho sedzwa mutumbu fhedzi. Luambo, redzhistara, tshitaila na thouni zwi tea u livhanywa na nyimele.

2.1 VHURIFHI HA TSHIOFISI (FOMALA)**Zwi re ngomu na Tshivhumbeo:**

- Ri lavhelela mafhungo ane a vha a u toda thuso ine ya bva kha mapholisa ya u langa vhaswa vhane vha nwa halwa vha kambiwa vha raloha u tshimbila dzibadani vha sa londi.
- Diresi mbili (ya muñwali na ya muñwalelwa).
- Diresi ya u thoma (i tea u ñwalwa datumu nga vhudalo).
- Diresi ya vhuvhili (i thoma nga mufari wa tshiimo sa 'Muñwaleli' kana 'Mulanguli').
- Theshano: Ndaa/Aa.
- Thoho ya mafhungo (i tea u ñwalwa nga madanzi kana ya talelwa arali yo ñwalwa nga maledere matuku).
- Mutumbu. Hu ñwalwa mbilaelo nga vhudalo.
- Nyonesano kana phendelo: Muñwali u ñea muñwalelwa thuthuwedzo.
- Magumo: Muñwali u ñwala tshifani na dzina/inishiala.
- Tsaino ya muñwali.

[25]

2.2 IMEILI**Zwi re ngomu na Tshivhumbeo:**

- Mulingiwa u tea u sumbedza diresi ya vhubvo ha imeili.
- Mulingiwa u tea u sumbedza diresi ya vhuyo ha imeili.
- U tea u sumbedza vhaiwe vhakopiwa.
- A nga dovha hafhu a sumbedza vhaiwe vhakopiwa vha tshidzumbe.
- U tea u sumbedza fhungo/thoho ya imeili.
- A konaha u ñea/tandavhudza mulaedza nga vhudalo.
- Nyonesano kana phendelo: Muñwali u pendela nga ndila yo teaho muñwalelwa.
- Magumo: Muñwali u ñwala tshifani na dzina/inishiala.

[25]

2.3 ATHIKILI YA GURANNDA

Zwi re ngomu na Tshivhumbeo:

- Thoho i kungaho/i takadzaho.
Tsumbo: Dzhatsha le la vuswa nga nthani ha magarata.
- Athikili i tea u faredza tsivhudzo kha lushaka.
- Thoho i tevhelwa nga dzina la muñwali.
- Mvulatswinga: Ndi hune muñwali a divhadza fhungo line a toda u amba nga halo – u tsivhudza lushaka.
- Mutumbu: Hu tandavhudzwa mihumbulo ya fhungo la u tambwiwa ha magarata nga vhabvana na vhananyana vho sia vhana mahayani.
- Tshitaila tshi nga vha tsha mbuletshedzo, tshi shumisaho figara dza muambo na zwi tokonyaho mihumbulo ya vhavhali.
- Madzina, fhethu, zwifhinga, vhuimo na zwiñwe zwa ndeme zwi tea u netshedzwa/buletshedzwa kha athikili.
- Phendelo: Ndi hune mafhungo a vhiniwa hone. [25]

2.4 MUVHIGO WA FOMALA

Zwi re ngomu na Tshivhumbeo:

- Ri lavhelela muvhigo une wa khou tana u fhidza ha vhagudi u ya tshikoloni hu si na thendelo.
- Thoho: Kha i vhe ye a randelwa yone.
- Marangaphanda (ndivho na tshikoupu).
- Matshimbidzele (nnyini? ngafhi? lini? mini? hani?).
- Magumo/mawanwa.
- Phendelo.
- Themendelo.
- Tsaino ya muvhigi.
- Tshiimo tsha muvhigi.
- Datumu. [25]

2.5 NGANEAVHUTSHILO YA MUFU

Zwi re ngomu na Tshivhumbeo:

- Mulingiwa u tea u tana dzina na tshifani zwa mufu, fhethu he a bebelwa hone, ḍuvha l̄a mabebo khathihi na madzina a vhabebi.
- Zwe zwa swikelelwa zwa ndeme: pfunzo/u d̄idzhenisa kha zwa bola, nz.
- Nganeavhutshilo iyi i tea u dovha hafhu ya tana zwa mufu a zwi swikelela vhutshiloni nga nthani ha mutambo wa bola.
- Tshivhangi tsha lufu na fhethu he mufu a lovhela hone.
- Zwine mashaka na dzikhonani vha d̄o mu humbula ngazwo.
- Mashaka a tsini e a a sia.
- U dzheniswa ha milaedza ya ndiliso/zwikhodo u bva kha muṭa, nz. [25]

2.6 TSHIPITSHI

Zwi re ngomu na Tshivhumbeo:

- Tshipitshi itshi tshi tea u totomodza na u bvisela khagala bembela l̄a u shumiswa ha zwidzidzivhadzi na masiandaitwa azwo.
- Thoho: Kha i vhe i kungaho.
Tsumbo: **Ngeletshedzo nga ha masiandaitwa a u shumiseswa ha zwidzidzivhadzi.**
- Theshano: Ndi hune muambi a resha vthathetshesesi nga u bula zwiimo zwavho sa: Mutshimbizamushumo, mudzulatshidulo, nz.
- Mvulatswinga: Afha muvhali u talutshedza thoho ya mafhungo.
- Mutumbu: Muambi u tasulula mbuno dzawe a dovha a dzi tikedza.
- Luambo, tshitaila, thouni na redzhistara zwi tee nyimele na vha tangedzaho mafhungo.
- Magumo/Phendelo: Ndi hune a fhedza mafhungo awe. [25]

THANGANYELO YA KHETHEKANYO YA B: 50
MARAGAGUTE: 100

PFESANI:

- Tshifhinga tshothe vha tshi tola maanea a vhusiki, vha tea u shumisa rubriki iyi (BAMMBIRI LA VHURARU).
- Maraga dza 0–50 dzo khethekanywa dza bva zwipiḁa zwiḁanu (5) zwiḁulwane zwa ḁhalusamaimo.
- Kha khritheria dzi angaredzaho Zwi re Ngomu, Luambo na Tshitaila, tshiḁwe na tshiḁwe tsha izwo zwipiḁa zwa ḁhalusamaimo tsho khethekanywa tsha bva zwipiḁa zwiḁhili: tshipiḁa tsha nḁha na tsha fhasi, tshiḁwe na tshiḁwe tshazwo tsho faredza maraganyangaredzi dzo tshi teaho u ya nga u tevhekana hazwo.
- Tshivhumbeo tshone a tshi kwamei nga heyi khethekanyo ya maimo a nḁha na a fhasi.

KHETHEKANYO YA A: RUBRIKI YA U ḁOLA/MAKA MAANEA A LUAMBO LWA HAYANI [MARAGA 50]

Khritheria		Zwa nḁhesa	Tshikili tshone	Vhukoni ha vhukati/vhu fushaho/ho linganelaho	Vhukoni ha fhasi	U sa kona
ZWI RE NGOMU NA VHUPULANI (Zwo riwaliwaho na mihumbulo) Nzudzanyo ya mihumbulo na vhupulani/ U dzhiela nzhele ndivho, vha ḁanganedzaho mafhungo na nyimele MARAGA 30	Maimo a nḁha	28–30	22–24	16–18	10–12	4–6
		-Mihumbulo i gobolaho/tokonyaho i sa vhambedzwi/lavhelelwiho -Mihumbulo ya vhuḁali, i tokonyaho nahone yo vhibvaho -Zwo dzudzanywa nahone zwa dovha zwa lunzhedzana tshidele lwa tshoḁhe, hu tshi katelwa marangaphanda, mutumbu na magumo/mupendelo	-Phindulo yo lundwa tshidele vhukuma -Zwi yelana tshoḁhe na ḁhoho nahone zwa takadza -Hu na vhuḁanzi ha mihumbulo yo vhibvaho -Zwo dzudzanywa nahone zwa dovha zwa lunzhedzana tshidele lwa tshoḁhe, hu tshi katelwa marangaphanda, mutumbu na magumo/mupendelo	-Phindulo i fushaho -Mihumbulo yo lunzhedzana lwo linganelaho nahone zwi a tendisea -Zwo dzudzanywa nahone zwa dovha zwa lunzhedzana lwo linganelaho/lu fushaho, hu tshi katelwa marangaphanda, mutumbu na magumo/mupendelo	-Phindulo i shaedzaho ndunzhendunzhe -Mihumbulo yo vhilinganaho, nahone i si na vhusiki ha muḁe -Vhuḁanzi vhu si gathi ha nzudzanyo na u lunzhedzana zwo teaho	-Phindulo yo polikaho tshoḁhe -Mihumbulo yo ḁangananaho nahone i si na sia -Ndi phambananadzo, zwo sokou dovhololwa -A zwo ngo dzudzanywa nahone a zwi na ndunzhendunzhe
	Maimo a fhasi	25–27	19–21	13–15	7–9	0–3
		-Ndi zwa nḁhesa, fhedzi zwo ri shaedzinyana musutshelo wa maanea o lundwaho tshidele lwa tshoḁhetshoḁhe -Mihumbulo yo vhibva ya lundwa lwa vhuḁali -Zwo dzudzanywa nahone zwa dovha zwa lunzhedzana tshidele lwa tshoḁhe, hu tshi katelwa marangaphanda, mutumbu na magumo/mupendelo	-Zwo lundwa tshidele -Mihumbulo i yelanaho, i takadzaho -Zwo dzudzanywa nahone zwa dovha zwa lunzhedzana zwavhuḁi, hu tshi katelwa marangaphanda, mutumbu na magumo/mupendelo	-Phindulo i a fusha fhedzi hu na vhuḁdzetudze huriwe vhu khakhisaho muḁoḁo -Mihumbulo yo dzudzanywa lwa ndinganelo nahone i a tendisea -Hu na huiwe u fusha ha nzudzanyo na ndunzhendunzhe, hu tshi katelwa marangaphanda, mutumbu na magumo/mupendelo	-Phindulo yo anzaho u sa yelana ha mafhungo -Mihumbulo i vho sumbedza u liana na u ḁadisa -U shaedza vhuḁanzi ha nzudzanyo na ndunzhendunzhe zwo teaho	-A hu na ndingedzo ya u fhindula ḁhoho/mbudziso -U polika tshoḁhe na u sa tsha tea lwa tshoḁhe -A zwi na sia nahone zwo vhilingana

KHETHEKANYO YA A: RUBRIKI YA U TOLA/MAKA MAANEA A LUAMBO LWA HAYANI [MARAGA: 50] (i ya phanda)

LUAMBO, TSHITAILA & U DZUDZANYA Thouni, redzhistara na divhaipfi zwo teaho ndivho/zwiitei na nyimele. Munanguludzo wa maipfi. Kushumisele kwa luambo na milayo, zwiga zwa u vhala, girama, mupeleto.	Maimo a nthā	14–15	10–11	6–7	2–3	0
		-Thouni, redzhistara, tshitaila na divhaipfi zwo tea tshothe tshothe ndivho, vha tangedzaho mafhungo na nyimele. -Luambo ndi lwa vhudifhulufheli ha nthesa, lu nyanyulaho tshothe. -Lu a gobola, nahone lwo pfuma u dzangelwa ha thouni -A hu na vhukhaki ha girama na mupeleto -Lwo lundwa nga tshikili tsha mathakhetshakheni.	-Thouni, redzhistara, tshitaila na divhaipfi zwo tea vhukuma ndivho, vha tangedzaho mafhungo na nyimele. -Luambo lu a tokonya, nahone thouni yo shumiswaho ndi i nyanyulaho. -Hunzhi a hu na vhukhaki ha girama na mupeleto. -Lwo lundwa tshidele vhukuma .	-Thouni, redzhistara, tshitaila na divhaipfi zwo tea ndivho, vha tangedzaho mafhungo na nyimele. -U shumiswa ho teaho ha luambo u bvedza thalutshedzo. -Thouni yo tea -U pfumiswa ha luambo ho shumiswa u khavhisa zwi re ngomu.	-Thouni, redzhistara, tshitaila na divhaipfi zwo tea zwiutuku ndivho, vha tangedzaho mafhungo na nyimele. -Ho shumiswa luambo lwa mutheo/fhasi -Thouni na kushumisele kwone kwa maipfi a zwo ngo tea -Divhaipfi ndi yo shayedzaho vhukuma.	-Luambo a lu pfali -Thouni, redzhistara, tshitaila na divhaipfi a zwo ngo tea ndivho, vha tangedzaho mafhungo na nyimele. -U hotefhala ha divhaipfi zwo anzesa lune u pfala ha mafhungo zwa si tsha konadzea na kathihi/ zwa vho konda vhukuma/tshothe.
MARAGA: 15	Maimo a fhasi	12–13	8–9	4–5	0–1	
		-Luambo ndi lwa nthā vhukuma -Lu a gobola, nahone lwo pfuma u dzangelwa ha thouni. -A hu na vhukhaki ha girama na mupeleto. -Lwo lundwa nga tshikili tsha mathakheni.	-Luambo lu a kunga na u nyanyula -Thouni ndi yo teaho, i nyanyulaho -Vhukhaki vhuutuku ha girama na mupeleto -Zwo lundwa tshidele vhukuma	-U shumiswa ha luambo ho linganelaho, fhedzi hu tshi di vha na vhuudzetudze -Huniwe u shumiswa ha luambo ho teaho nga u angaredza, fhedzi u dzangelwa ha luambo ndi ha fhasi.	-Luambo lwo shumiswa lwa u sa kona -A hu na kana hu tou vha na zwiutukutuku zwi sumbedzaho muvanganyo wa mafhungo/mitala. -Divhaipfi yo hotefhala lwa tshothe.	
TSHIVHUMBEO Zwiitalusi zwa tshibvedzwa. Kubvedzelwe kwa phara na tshivhumbeo tsha mafhungo/mitala.		5	4	3	2	1
		-Kubvedzele kwa thoho kwa nthesa -Vhudodombedzi ha mathakhetshakheni -Mafhungo/mitala, phara zwo fhatwa na u lundwa lwa nthesa tshotheshothe.	- Kubvedzele kwa thoho kwo lunhedzanaho -Vhudodombedzi ha thoho hu pfadzaho -Mafhungo/mitala, phara zwo vangwa lu pfadzaho.	-Kubvedzele kwa thoho na vhudodombedzi zwo tea -Mafhungo/mitala, phara zwo fhatwa lu fushaho -Maanea o di faredza zwi pfadzaho/tendiseaho.	-Dziinwe mbuno ndi dzi pfadzaho -Mafhungo/mitala na phara zwi di vha na vhukhaki -Fhedzi maanea a tsha di pfala naho hu na vhukhaki.	-Hu na u shaedza ha mbuno dzo teaho -Mafhungo/mitala na phara zwo dala vhukhaki -Maanea ha na mudzio/ha pfadzi.
MARAGANYANGAREDZI		40–50	30–39	20–29	10–19	0–9

KHETHEKANYO YA B: RUBRIKI YA U TOLA ZWIBVELEDZWA ZWILAPFU ZWA VHUDAVHIDZANI [MARAGA: 25]

Khitheria	Zwa nthesa	Tshikili tshone	Vhukoni ha vhukati/ho linganelaho/vhu fushaho	Vhukoni ha fhasi	U sa kona
ZWI RE NGOMU, VHUPULANI NA TSHIVHUMBEO Zwo niwaliwaho na mihumbulo Nzudzanyo ya mihumbulo na vhupulani U dzhiela nzhele ndivho, vha tangedzaho mafhungo na nyimele Phindulo na mihumbulo Nzudzanyo ya mihumbulo na vhupulani U dzhiela nzhele ndivho, vha tangedzaho mafhungo na tshivhumbeo/milayo na nyimele MARAGA 15	13–15 -Phindulo ndi ya mathakhetakheni, i sa vhambedzwi -Mihumbulo ya vhuṭali, yo vhibvaho -Ndivho yo tandavhuwaho tshoṭhe ya zwiṭalusi zwa lushaka lwa tshibveledzwa -Kuniwalele kwo tou fombe kha sia lone -Zwi re ngomu na mihumbulo zwo lunzhedzana -Zwo tandavhudzwa lwa tshoṭhe, zwidodombedzwa -Tshivhumbeo ndi tsho teaho naho hu na vhukhaki vhuṭuku -Tshivhumbeo ndi tshonetshone tsho teaho tshibveledzwa	10–12 -Phindulo ndi yavhuḍi vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa -O fara vhuṭala/sia lone -A hu na u polika -Zwi re ngomu na mihumbulo zwo lunzhedzana -Zwo tandavhudzwa lwa tshoṭhe, zwidodombedzwa -Tshivhumbeo ndi tsho teaho naho hu na vhukhaki vhuṭuku	7–9 -Phindulo ndi i fushaho/linganelaho vhukuma, i bvukululaho ndivho yo dziaho ya zwiṭalusi zwa lushaka lwa tshibveledzwa -Ho ngo tou fara vhuṭala hone tshoṭhe lini – hu na u polika huiwe hu vhonealaho -Zwi re ngomu na mihumbulo zwo ḍi lunzhedzana -Zwiwe zwidodombedzwa zwi tikedza ṭhoho -Nga u angaredza, tshivhumbeo ndi tshone, fhedzi hu na u polika huṭuku	4–6 -Phindulo ndi ya mutheo/fhasi, i bvukululaho ndivhonyana ya zwiṭalusi zwa lushaka lwa tshibveledzwa -Hu na u polika huiwe hu vhonealaho naho o fara vhuṭala -Zwi re ngomu na mihumbulo a zwo ngo tou farana tshoṭhe lini -Zwidodombedzwa zwiṭuku zwi tikedza ṭhoho -Hu na u shaedza hu vhonealaho ha kushumisele kwa milayo na tshivhumbeo -Thahelelo/U shaedza ndi hu soliseaho	0–3 -Phindulo i sumbedza u shaya ndivho ya zwiṭalusi zwa lushaka lwa tshibveledzwa -Thalutshedzo yo dzumbama, u polika ndi hu hulwane -A hu na u farana ha zwi re ngomu na mihumbulo -Zwidodombedzwa zwiṭukuṭuku zwi tikedza ṭhoho -A ho ngo tevhedzwa milayo yone ya tshivhumbeo tsha tshibveledzwa
LUAMBO, TSHITAILA NA U DZUDZANYA Thouni, redzhiṭara, ndivho/u nyanyula, tshitaila, vha tangedzaho mafhungo na nyimele Munanguludzo wa maipfi Zwiga zwa muṭwalo na mupeleṭo MARAGA 10	9–10 -Thouni, redzhiṭara, tshitaila na divhaipfi, ndi zwi teaho lwa mathakhetakheni ndivho, vha tangedzaho mafhungo na nyimele -Girama ndi yoneyone nahone yo fhatwa tshidele -A hu na vhukhaki	7–8 -Thouni, redzhiṭara, tshitaila na divhaipfi, ndi zwi teaho tshoṭhe ndivho, vha tangedzaho mafhungo na nyimele -Nga u angaredza, girama ndi yone nahone yo fhatwa zwavhuḍi -Divhaipfi ndi yavhuḍi vhukuma -Hunzhi a hu na vhukhaki	5–6 -Thouni, redzhiṭara, tshitaila na divhaipfi, ndi zwi teaho tshoṭhe ndivho, vha tangedzaho mafhungo na nyimele -Hu na huiwe vhukhaki ha girama -Divhaipfi i a fusha/linganela -Fhedzi vhukhaki vhu re hone a vhu thithisi thalutshedzo	3–4 -Thouni, redzhiṭara, tshitaila na divhaipfi, ndi zwi teaho zwiṭuku ndivho, vha tangedzaho mafhungo na nyimele -Girama yo shaedza, i na vhukhaki ho vhalaho -Divhaipfi ndi yo shaedzaho vhukuma -Thalutshedzo yo thithisea	0–2 -Thouni, redzhiṭara, tshitaila na divhaipfi, ndi zwi sa ananiho na ndivho, vha tangedzaho mafhungo na nyimele -Zwo ḍala vhukhaki nahone zwo tangananana -Divhaipfi a i tei ndivho na kathihi -Thalutshedzo yo hotefhala tshoṭhe
MARAGANYANGAREDZI	22–25	17–20	12–15	7–10	0–5